

道光三年開雕

梅

里

志

校經



梅里志序

嘉慶改元先大夫閣學公自栝蒼移守嘉禾時余甫弱冠隨侍郡署先大夫下車卽興除利病振文教樂造就郡之人士一時執業門下者衆如錢恬齋朱棻堂丁小鶴李薌泚諸君子皆最被知賞余因得與相交契薌泚家長水之梅里往來酬接尤數值今 宮保制府師儀徵阮公視學兩浙按試禾郡詢梅里

梅里志序

朱竹垞檢討曝書亭遺構已久傾蕪與先大夫商謀重建因各捐廉規址庀材屬先大夫飭度其事次年亭成公偕先大夫親至梅里以落之余亦嘗過訪其亭所謂菱池槐泚南垞北垞者舊蹟尚存裴回久之猶可想當日風雅之勝概焉余旋供職戶曹歷詞垣先大夫在任纂修郡志棊堂薌泚竝與分纂之役梅里曩有楊未孩始創志槁尚是粗就而未

加釐定其時略爲掇載郡志惜未有能竟其業者今余奉

命宣藩涖浙適薊汴補輯梅里志甫成將授梓請敘於余余惟梅里始闢於石晉至明中葉而漸盛民物殷阜俗尚淳樸已成一巨鎮其掇科第而仕宦者皆有以政績聞於時國初人文薈萃海內稱詩者咸推朱檢討李徵士兩家而王言遠周青士沈山子諸人復

梅里志序

二

相應和故百餘年來其流風遺韻至今弗替不可無紀載以資考鏡薊汴爲徵士之後頗畱心鄉邦文獻是志復得續爲揆采以補其闕而里之風土民情人物掌故耳聞目見舉凡古今事勢之異粲然具著於編儼若一都邑之勝吾知上諸輜軒他日有重修郡省志乘者可據此以爲徵攷而亦見我

朝治化之盛有不限於方隅僻壤者如此爾

道光五年七月既望

欽命浙江承宣布政使司布政使隨帶軍功
加一級長白繼昌撰

梅里志自序

去嘉興城南三十餘里里曰梅會市曰王店長水環其外硤石大小橫山及史諸阜亘其南有水自西而東沿洄三里曰梅谿繞谿南北闐闐煙火不下數千百家其間人材輩出政事文章彬彬極盛擬諸通邑大都焉而園林第宅浮屠老子之宮參錯郊野間者廢興不一攷信無從余竊憾之康熙初杜宗伯遇徐里人也王尙書阮亭送其南歸詩云亦欲投簪東海去便從梅里問幽棲金榮箋註則曰陸廣微吳地記仲雍卒葬梅里注又名番麗今橫山惠棟訓纂則曰路史國名紀梅里在蓋閭城北五十里輿地志吳築城梅里平虛卽此

梅里志原序

引證之繆由未見至元嘉禾志耳而吾里之好事者乃謂里中之響鈴墳卽仲雍墓悠繆之談余尤懼焉年來客桐谿課讀之暇不揆禱昧輒箋鄉先輩朱太史竹垞詩凡見載籍中有單辭隻字涉吾里者亟爲鈔撮暫歸里門卽往荒墟古刹遇有殘碑斷碣手錄以歸會粹之分四十門合十二卷名曰梅里志蓋稿屢脫而發凡亦幾經更定矣聞朱太史昔曾欲輯里志未果後屬門下顧松壑且語與蓮西共成之卒亦未就今距太史歿又六十餘載其遺文不知散軼幾許而故老亦畧盡矣余不敏敢自附作者之林惟是鄉里文獻見遺於志乘者不忍視其湮沒亦詩人桑梓敬恭之義也世之覽者

尙其諒余之心而匡余所不逮是則余之厚幸也夫
乾隆三十有八年歲在昭陽大荒落元月中澣四十二間廊
底客楊謙書

補輯梅里志序

嘉慶庚申郡守伊小尹師以郡志久未纂修延邑人士共事編輯余與楊子文樸同預分纂之役時設局於鴛湖講院朝夕商榷得悉其尊先人未孩先生纂有梅里志因請借觀一過規模粗就尙未卒業嗣後星離雨散不復相聚甲戌余客莫釐聞文樸在桐谿病逝卽寓書於其弟文漁以是書有關里中故實勿任其散佚文漁卽檢篋見寄屬爲踵成之伯兄引樹曾加校訂余頻年羈旅四方亦未暇及此今歲暫息塵鞅杜門里居始得披校是書分門實三十有六曰鄉村所列皆去里三五里以外曰里諺僅載五六條不足以分目曰耆

梅里志補序

碩曰壽母所載殊猥瑣曰碑刻曰校讐碑刻祇數種校讐亦無甚關於稽攷今竝爲刪并山水一門載大小橫山及硤石東西山然一屬海鹽一屬杭郡之海昌地志皆以疆域爲限斷未可借材於他境故邑志俱不載今亦刪之其餘悉仍舊目而增坊表祠宇至遺聞軼事尙有未經摭采及三四十年來之人物咸爲補輯庶幾先生未竟之志得藉以成蓋梅里雖僻小而文獻之盛不遜於通都大邑然則異日上諸史館及有修郡邑志者亦足據此以爲徵信焉爾

嘉慶二十五年歲在上章執徐相月同里後學李富孫述

補輯梅里志凡例

一原志序云分四十門然自沿革至詩話實僅三十六門今刪去鄉邨里諺耆碩壽母校讐以先達易仕宦太學易雜選賙贈恩蔭并爲封廕而別增坊表祠宇蠲恤凡三十二門

一原志科第有表薦辟明經雜選均未列表今並依科第爲表以歸一例

一原志一人有兩見如蔣薰旣入先達復入孝義范路入孝義又入隱逸朱茂曙顧仲清旣入文苑又入藝術李宗仁旣入孝義又入文苑皆與史體不合今並爲刪併

梅里志凡例

一原志尙未卒業每門亦無小序兼有采錄他書隨手補綴不免冗複舛錯今悉刪正以就簡覈

一先生卒於乾隆乙巳迄今已三十餘年凡事在乙巳以後者皆爲補入并許燦梅里詩輯春風錄及伊府志司縣志等書亦並輯補

一原志各傳於每人著作未能一例盡載今並刪去統見於著述門以省繁複補輯各傳亦同

一里中爲人文之藪其有列傳不能盡載則以其詩文等集備載於著述門亦可畧見其梗概以藉爲闡揚云

一余生旣晚又自壯歲遠游故老俱已凋謝里中遺聞軼事

未能盡悉今增輯此書賴諸同志共商訂之

梅里志凡例

梅里志目錄

卷一

沿革

疆域

山水

卷二

古蹟

坊巷

坊表

橋梁

卷三

寺觀

卷四

寺觀

卷五

寺觀

祠宇

卷六

園亭

第宅

卷七

墓域

義冢

蠲卹

物產

風俗

卷八

科第

薦辟

明經

雜選

封蔭

卷九

仕宦

孝義

卷十

梅里志目錄

一

文苑

隱逸

卷十一

藝術

釋道

流寓

卷十二

節烈

卷十三

節烈

閨秀

卷十四

著述

卷十五

著述

碑刻

卷十六


舊聞


詩話

梅里志目錄

梅里全圖

梅里全圖





梅里全圖

二

里人張修寫

梅里在縣南三十六里舊邑志稱一方都會南界海昌境十
 里東界海鹽境五里西北界秀水境十里西南界桐鄉境十
 里北界新塘橋十里廣袤約二十里四隅以此為限而支河
 橋梁竝藉以表識焉

梅里志卷第一

里人 楊謙 纂

李富孫 補

沿革

補梅里秦漢屬由拳吳爲嘉興唐時隸蘇州至錢武肅王置嘉興鎮設鎮遏使一人時王逵居此爲王店鎮之始宋初以嘉興隸浙西路明吳元年屬直隸洪武間改隸浙江而梅里之稱以遠環植梅花因名焉

梅里在嘉興縣南三十六里大彭嘉會二都之間市曰王店爲古揚州域周屬吳南境及越滅吳地歸越周末楚威王取

梅里志卷一

沿革

一

越地屬楚秦始皇二十五年置長水縣屬會稽郡東巡掘汙長水徙今治改名由拳二世元年項氏據爲西楚地漢高祖三年立兄賈爲荆王地屬之十一年賈誅復立會稽郡十二年封賈子濞爲吳王地屬吳吳廢復隸會稽東漢永建四年分浙西爲吳郡屬吳三國吳大帝黃武四年割由拳海鹽二縣地爲鹽官縣黃龍三年由拳野穀生改爲禾興因以紀年赤烏五年避太子禾諱改禾興爲嘉興梁太清三年嘉興隸吳州隋文帝開皇九年罷吳州改吳郡爲蘇州陞錢塘爲杭州廢嘉興入錢塘屬杭州唐武德七年復置嘉興屬蘇州八年嘉興又廢唐太宗貞觀元年復嘉興縣仍屬蘇州隸江南



道大歷五年陞嘉興爲望縣十四年改隸浙江後唐莊宗同光二年吳越王陞嘉興爲開元府蘇州爲中吳府置嘉興鎮明宗長興二年文穆王罷開元府復屬中吳晉烈祖天福四年以嘉興爲秀州另立嘉興縣宋太宗淳化三年隸浙西路政和七年改秀州爲嘉禾郡宣和三年復改爲州寧宗慶元元年陞嘉興府元至正十四年陞爲嘉興路元末爲張士誠所據明太祖吳元年改路爲府屬直隸逮洪武十四年十一月始以嘉興府改隸浙江宣德四年析嘉興置秀水嘉善兩縣而梅里仍屬嘉興

皇朝因之百年以來休養生息物阜民康爲縣南一巨鎮焉

梅里志卷一 沿革

梅會里在大彭嘉會二鄉間石晉時鎮遏使王遠之居也

植梅百畷聚貨市易今稱梅谿亦曰王店

至元嘉禾志

大彭鄉管里四曰朱塔力林陳浦梅會嘉會鄉管里四曰

曹奧梅會朱巷張滿

同上

大彭鄉治南十里舊里四朱塔力林陳浦梅會今十六都

里五十七都里十一十八都西南區里十二西北區里十

嘉會都治南二十里舊里四曹奧梅會朱巷張滿今十八

都東區里一十五十九都西區里十一二十都里十

嘉興府趙

圖記

大彭之都大河二支河一圩二十一嘉會之都大河一支

河一十七圩三十六同

王店鎮在縣南三十六里嘉興府柳志

王店鎮有工部尚書王達者世居大彭都官灘里自達構

屋於梅谿聚貨貿易因名王店嘉興府吳志

王店鎮王達之武肅王時為嘉興鎮邊使仕至尚書後居

梅水百晦皆梅花至今稱為梅里嘉興縣何志

武肅王置嘉興鎮即今之王店鎮同上

嘉興南有馬塘堰又南有王店明史稟

一曰王塾樵李詩繫

一曰王鎮晦岳熹禪師語錄

梅里志卷一 沿革 三

宋將仕郎九二公善懋遷遂成市稱王店誌陰隲書中王邁

人行

補梅里自王尚書達後簪纓相繼日漸殷庶遂成巨鎮許燦

春風錄

予年十七避兵練浦歲己丑萑苻四起迺移家梅會里里

在大彭嘉會二都之間市名王店或曰石晉時鎮邊使達

居此故名或曰宋尚書居正之宅或曰元學士景家於是

或曰元學正綸也傳聞各異己亥十月訪蔣布衣之翹於

射襄城蔣語予曰子知王店之所由名乎洪武中孝廉鏞

及弟鈞之所居也因出其所輯樵李詩乘則二王詩俱在

焉併出二王合刊詩稿舊本共一冊燈下讀未竟客至轟
飲而罷後見水竹居詩一卷中載二王詩各一首因亟錄
之梅會一作梅滙水曰梅谿鏞詩所云吾家舊在梅谿上
是也梁孟敬石門集有題嘉興王氏梅花莊詩未審卽是

二王所居否因錄鏞詩附誌於此

朱夔尊靜
志居詩話

予將謀隱梅里五月十九日梅里爲盜所劫因寄山顏錫
鬯山子青士諸子詩闐闐難久居仁里素所慕一水繞通
渠雙峯橫古路禽尙宛然在直爲高世度桑竹靄成鄰漁
釣不知暮賊徒來何方飛鱸忽屯聚煌煌白日明焚劫怖
童孺豈恃招撫仁將謀進身具警急近城南繼此足深慮

梅里志卷一

沿革

四

吾方營一枝盡室伴鷗鷺鬢髮變爲霜他鄉那如故目擊
恐懼頻買山匪細務廼知遭亂人流坎兩無據先哲戒求

安達生等萍寓

曹溶靜
惕堂集